

ITLF BULLETIN

A Publication of ITLF Media & Publicity Department

VOLUME I-ISSUE NO 30

INDIGENOUS TRIBAL LEADERS' FORUM

THURSDAY 13 JULY 2023

Meitei Leepun Chief FIR khum in a um

Meitei Leepun chief Pramot Singh in hnam le hnam inkara inrem lo na suksuok thei ding thu khawvel hriet in a puonga, hnam khat nuoi chimit ding anih ti a hril le inzawmin Satminthang Kipgen, President KSO-Sadar Hills le Thangtinlen Haokip , Gen. Secy KSO- Sadar Hills haiin Kangpokpi Police Station ah FIR an thekhum anih. Pramot in Kuki-Hmar-Zomi-Mizo nauhai vawikhat thilthu a nuoi chimit ding ti a vauna a pek leiin IPC 120-B, 153-A, 504,505,503,34 hnuoiah FIR thaw khumin aum anih.

Arambai Tengol chanchin suksuok

Tuta ei buoina a Kuki-Hmar-Zomi-Mizo nauhai chungah nunrawng taka chethla Arambai Tengol inti Meitei radical group hai chanchin "The Rise of Arambai Tengol" lekhavute (booklet) ITLF Media Cell in mi po po tiem thei ding zani khan suksuok alo ni tah. Tuhin PDF version a suksuok ani phawta, ITLF Media Cell office le ITLF website ah iengtiklai khawma download thei ding anih.

ITLF Media Cell in Fake PR suksuok paw a ti a, FIR thelut in a um.

Hun iemani chen liemta anthawk khan ITLF letterhead le sui(Signature) hmangin Meitei ni dinga ringhla han Kuki-Hmar-Zomi-Mizo nauhai inremna suksiet ding le ei movement sukbuoi tumin thukhel an thedar hlak anih. Tuta hapta sung ringawt khawm khan thukhel vawithum lai thedarin a uma, ei thangkawmna zarin sukfel thei in a um a nih.

Liemtah, July 11 ni khan ITLF letterhead le sui hmangin ITLF thusuok anga siemfawmin thu anlo insuo a, hi thusuok hi National news agency hming inlar ve ANI ah peklut in um in National Media dang dang Times of India thangsa in thukhel chu ringin an lo insuo anih. ITLF Media Cell huoituhaiin ANI an inbiekpui nghal a , an thu insuo chu insukdik tirin, ngaidam khawm an inhnitir anih. Hi le inzawmin ITLF logo le sui inruk pek a nih tiin Lamka Police Station ah FIR inzieklut tirin a um anih.

Moreh ah Curfew a um

Moreh ah Manipur Police Commando han a chang

changa civil dress hmangin Moreh khawpui sung enthla dingin an fe hlaka, mipui an sukthlabar hlak anih. Zani khan mipui chetthla hai enthla dingin an hung nawka , mi man tum / hrentang an tum leiin Village volunteer hai leh an in sukbuoi anih. Mipui lai a in sukbuoi anni leiin village volunteers hai chu nuom angin an chethei nawh a, Manipur Commando hai khawm an intawlkir anih. Mipui sosang vengna dingin sipai ha'n Moreh Town sungah Curfew an puongkhum anih.

ZORO hmalakna hnuoiah Rally a um, thuthlukna pathum siem anih

Manipur ramsung a buoina le inzawmin ZORO in zani khan Aizawl khawpuiah Zohnathlak hai harsatna tuok thlavang hauna hi Ramdinliana Renthlei, Gen. Secy. ZORO in neiin a hrilna pei a chun insung buoina aum changin insung khat pa in mawphurna a lak ding ani laiin Manipur ah harsatna le inzawmin ei ram ta dinga Pa chan chang tak Narendra Modi hin iengkhawm hril lova ami ngaisak naw el hi mak a ti in a tarlang sa bawk anih.

Mipui pungkhawm a fe hai chun thuthlukna 3 an siem. Manipur buoina leia harsatna tuok hai lungril takin an tuorpui thu an puong a. India government in Zo hnamhai (Kuki-Hmar-Zomi-Mizo) ta dingin Separate Administration pek dingin ngenna siem antih ti le khawvel pumpui a inpumkhatna a um zing theina dinga thanglak dingin thuthlukna an siem anih.

Manipur a ei mi le sa hai thatchimit le an in le lo hai rawhmang pekna a mawphurna insang tak nei Biren Singh le Narendra Modi le David Hmar thiek thattupa Mairembam Romesh Mangang hai lem mipui fekhawm han anraw anih.

World Bank project P176733 sukchawl phawt dingin KSO City Branch in lekha anpek

Manipur state a digital transformation a um thei na dingin World bank in \$46 million pek dinga ti le in zawmin KSO City Branch han Kuki-Hmar-Zomi-Mizo hnamhai ta dinga thil ti um tlungthei ding an hmu leiin hi project hi inchawltir phawt dingin Ajay Banga , President World Bank kuomah ngenna lekha an thelut anih.

EDITORIAL

Manipur buoina leiin nuom angin nitin in ei hringnun ei hmang pangngai angin ei hmang thei ta nawh a, a lien a chin the hran lovin raldo in ei um vawng anih. Frontline a raldo ei uma, relief tienga raldo ei um a, media tienga raldo ei uma, sum le pai tienga thang la a raldo ei uma, tawngtai a raldo ei uma, ei thanglak theina zawnah thang ei lak seng anih.

Ei thawthei na khel tiengah Pathien in ami um puiin ami veng, ei ring thak lo na a dam Pathien in ami umpui a ami venghimna hai hmu thei in aum anih. Pathien in ami venghimna dang dang hai lei hin Pathien hma bulah kun in, Ama biek hi inthlada nawng ei tiu.

Buoi intan anthawkin Prime Minister Narendra Modi'n ei ram buoina le inzawmin kamkhat khawm ala saksuok naw a nih. Ei buoi lai takin ama khuolzinin hmun dang dangah an zin kuola. Tukhawm hin July 14 hin France ram Bastille Day hmang dinga inzin suok ding anih. Ei buoina hi hrietnaw tehlem insir sien khawm, Pathien ini tieng a thang chun iengchen am hrietnaw

tehlem a thaw thei ding?

Narendra Modi in zin hma July 12 ni khan France khawpui Strasbourg ah European Parliament inbiek mek na ah Manipur buoina ngai pawimaw takin an hriltlang anih. Modi in Human Rights a bawsiet tiin BJP government khawm nasatakin an dem anih.

Narendra Modi in ei buoina hi hriet naw tehlem insier sienkhawm European Parliament in ei buoina thu ah hrilkhawmna anei ringawt khawm hi ei ta dingin ral hnena chikhat anih.

Ei thawtheina lei an nawh a, Pathien in ami umpui na zar lieu lieu anih a, hmatieng pei a khawm ei ta dinga thiltha a hung um pei theina dingin Pathien kuomah tawngtai in ramla pei dingin ei inngen anih.

Inthlada lovin Pathien hma ah inngaitlawmtak le lungril po po in Pathien kuomah intuklut zing ei tiu.

- ✓ 12th July 2023 khan Kuki Women Union (KWU) Teising Block athawk in meh chi hrang hrang bag 29 lai ITLF Relief Dept. in an dawng.
- ✓ 12th July 2023 vek khan EBCC Tribal Colony, Dorcas-hai ankawla inthawkin thanguina sum fai Rs. 10,000/- ITLF in an dawng.

UPDATE TILL 13 JULY 2023



113
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: Lamka Govt College, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: Lamka Govt College, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch